

Broj: 07-14-75-19/2017-11  
Sarajevo, 08.11.2017. godine

Na osnovu člana 70. st. (1) i (3) Zakona o javnim nabavkama Bosne i Hercegovine („Službeni glasnik BiH“, broj 39/14), a na prijedlog Komisije za javne nabavke imenovane Rješenjem broj: 06-34-106-4/2017 od 14.07.2017. godine, sekretar Vlade Federacije Bosne i Hercegovine, d o n o s i

## **ODLUKU**

### **O IZBORU NAJPOVOLJNIJEG PONUĐAČA ZA JAVNU NABAVKU USLUGA – PRUŽANJE USLUGA ODRŽAVANJA I SERVISIRANJA SLUŽBENIH VOZILA (LOT 1 - NABAVKA USLUGA ODRŽAVANJA I SERVISIRANJA SLUŽBENIH VOZILA MARKE „PASSAT“) ZA POTREBE GENERALNOG SEKRETARIJATA VLADE FEDERACIJE BOSNE I HERCEGOVINE**

#### **I.**

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za nabavku usluga – pružanje usluga održavanja i servisiranja službenih vozila za potrebe Generalnog sekretarijata Vlade Federacije Bosne i Hercegovine, evidencijski broj nabavke: 07-14-75-19/2017-1 od 16.10.2017. godine, broj obavještenja o nabavci sa portala javnih nabavki: 854-7-2-44-3-8/17 od 16.10.2017. godine, kao najbolje ocijenjena prihvatljiva ponuda za LOT 1 je ponuda ponuđača AC QUATTRO d.o.o. Sarajevo, sa ukupnom cijenom ponude sa uračunatim popustom bez PDV-a, u iznosu od 9.134, 69 KM.

#### **II.**

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu cijenu.

#### **III.**

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada svi ponuđači, koji su učestvovali u predmetnom postupku nabavke, budu obavješteni o izboru najpovoljnijeg ponuđača.

Izabrani ponuđač dužan je dostaviti dokaze o kvalificiranosti u roku od 3 (tri) dana nakon što bude obavješten od strane Ugovornog organa o rezultatima postupka nabavke, a prema tački 14.3. Tenderske dokumentacije.

#### **IV.**

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

#### **V.**

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu

sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 07-14-75-19/2017 od 13.07.2017. godine. Javna nabavka provedena je putem Konkurentskog zahtjeva za dostavu ponuda. Procijenjena vrijednost nabavke za LOT 1 iznosila je 13.500,00 KM bez PDV-a. Obavijest o nabavci broj: 854-7-2-44-3-8/17 objavljena je na Portalu javnih nabavki dana 16.10.2017. godine.

Tendersku dokumentaciju preuzelo je 10 (deset) privrednih subjekata, a 2 (dva) ponuđača dostavila su ponude za LOT 1 u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: AC QUATTRO d.o.o. Sarajevo i PORCHE d.o.o. Sarajevo.

Komisija za javne nabavke, imenovana Rješenjem, broj: 06-34-106-4/2017 od 14.07.2017. godine, izvršila je pregled i ocjenu ponuda, te konstatovala da je, od ukupno 2 (dvije) dostavljene ponude, prihvatljiva 1 (jedna) i to ponuda ponuđača AC QUATTRO d.o.o. Sarajevo, dok je ponuda ponuđača PORCHE d.o.o. Sarajevo ocijenjena kao neprihvatljiva.

Ponuda ponuđača PORCHE d.o.o. Sarajevo odbačena je iz sljedećeg razloga:

- U Tenderskoj dokumentaciji, tačka 3.2. Sposobnost obavljanja profesionalne djelatnosti - član 46. Zakona, kao dokaz za obavljanje profesionalne djelatnosti se zahtijevalo:

*„ - za ponuđače iz Bosne i Hercegovine: Ponuđač u svrhu dokaza o ispunjavanju uslova iz člana 46. Zakona dužan je dostaviti Aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke.*

- *za ponuđače čije je sjedište izvan Bosne i Hercegovine: odgovarajući dokument koji odgovara zahtjevu iz člana 46. Zakona, a koji je izdat od nadležnog organa, sve prema važećim propisima zemlje sjedišta ponuđača/zemlje u kojoj je registriran ponuđač.*
- **Dokaz se dostavlja kao ovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude.**

**Ponuda će biti odbačena ukoliko ponuđač u ponudi ne dostavi navedeni dokument u vezi sposobnosti obavljanja profesionalne djelatnosti ponuđača (član 46. Zakona) na način kako je traženo.“**

Ponuđač PORSCHE d.o.o. Sarajevo dostavio je Aktuelni izvod iz sudskog registra, izdat od strane Općinskog suda u Sarajevu, broj: 065-0-RegZ-16-006390 od 15.09.2016. godine.

Priloženi Aktuelni izvod iz sudskog registra **izdat je 15.09.2016. godine**, a Ponuda ponuđača PORSCHE d.o.o. Sarajevo **dostavljena je 27.10.2017. godine**, iz čega je evidentno da je datum izdavanja originala stariji više od 3 (tri) mjeseca računajući od dana dostavljanja ponude.

- U Tenderskoj dokumentaciji, tačka 3.3. Ekonomska i finansijska sposobnost (član 47. stav (1) tačke a) i c) Zakona, kao dokaz za solventnost ponuđača se zahtijevala:

*„Potvrda poslovne banke o solventnosti ponuđača, odnosno da u proteklih 12 (dvanaest mjeseci), **uključujući i datum objavljivanja Obavještenja o nabavci**, transakcijski račun ponuđača nije bio blokiran.“*

Ponuđač PORSCHE d.o.o. Sarajevo dostavio je Potvrdu o solventnosti transakcijskog računa kod Raiffeisen Bank d.d. BiH, broj: 03248/17 od 05.10.2017. godine da račun ponuđača nije bio blokiran u periodu 04.10.2016. godine do 04.10.2017. godine.

Iz priložnog dokaza ne može se utvrditi da transakcijski račun Ponuđača nije bio blokiran dana 16.10.2017. godine, kada je objavljeno Obavještenje o nabavci. Potvrda ne uključuje datum objavljivanja obavještenja o nabavci.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 07-14-75-19/2017-10 od 07.11.2017. godine i Preporuku o izboru najpovoljnijeg ponuđača AC QUATTRO d.o.o. Sarajevo sa registriranim sjedištem u ulici Put života 1, 71000 Sarajevo, ID: 4200018440001, za LOT 1 predmetne nabavke.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj 39/14), podzakonskim aktima i Tenderskom dokumentacijom.

Izabrani ponuđač odabran je primjenjujući kriterij „najniža cijena“.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke svaki od ponuđača koji je učestvovao u postupku nabavke može izjaviti žalbu ugovornom organu – Generalnom sekretarijatu Vlade Federacije Bosne i Hercegovine, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove odluke.

Dostaviti:

1. Svim ponuđačima u postupku
2. U dokumentaciju Komisije
3. Sektor za pravne i opće poslove
4. Sektor za materijalno-finansijske poslove

